



ო, ჰაქიიმ, ეს ქონება მწვანეა და ტკბილი

გადმოცემულია ჰაქიიმ იბნ ჰიზამისგან (აღლაჰი იყოს მისით კმაყოფილი), რომ მან თქვა: «მე ვთხოვე აღლაჰის მოციქულს (აღლაჰის ლოცვა და მშვიდობა მას) და მან მომცა. მერე ისევ ვთხოვე და ისევ მომცა. შემდეგ კი მითხრა: «ო, ჰაქიიმ, ეს ქონება მწვანეა და ტკბილი, ვინც მას გულუხვად მიიღებს, მისთვის იგი კურთხეული იქნება, ხოლო ვინც მას სიხარბით აიღებს, მისთვის კურთხეული არ იქნება. ის დაემსგავსება ადამიანს, რომელიც ჭამს, მაგრამ არ ძღება. ზედა ხელი (გამცემი) უკეთესია ქვედა ხელზე (მიმღებზე)» ჰაქიიმმა უპასუხა: 'ო, აღლაჰის შუამავალო, იმას ვფიცავ, ვინც სიმართლით მოგავლინა, რომ ამის შემდეგ აღარავისგან არაფერს არ მივიღებ, სანამ ამ ქვეყნიდან არ წავალ'. ამის შემდეგ, როდესაც აბუ ბაქრი ჰაქიიმს დახმარებას სთავაზობდა, იგი უარს ამბობდა მის მიღებაზე. შემდეგ უმარმაც შესთავაზა დახმარება, მაგრამ ჰაქიიმმა არ მიიღო. მაშინ უმარმა თქვა: 'ჰეი, მუსლიმებო, მე მას ვთავაზობ იმ უფლებას, რომელიც აღლაჰმა მას ამ ქონებიდან განუყო, მაგრამ ის უარს ამბობს მის მიღებაზე, ჰაქიიმს არავისგან არ აუღია დახმარება აღლაჰის შუამავლის (აღლაჰის ლოცვა და მშვიდობა მას) გარდაცვალების შემდეგ, სანამ თავადაც არ გარდაიცვალა, აღლაჰმა შეინყალოს ის».

[სანდო (საჰიჰ)] [შეთანხმებული]

ჰაქიიმ იბნ ჰიზამმა (აღლაჰი იყოს მისით კმაყოფილი) სთხოვა მოციქულს (აღლაჰის ლოცვა და მშვიდობა მას) ამქვეყნის მატერიალურ სიკეთეებიდან, და მან მისცა. შემდეგ კვლავ სთხოვა, და კვლავ მისცა. ამის შემდეგ მოციქულმა (აღლაჰის ლოცვა და მშვიდობა მას) უთხრა: ო, ჰაქიიმ, ეს ქონება სასურველი და მაცდურია. ვინც მას თხოვნის გარეშე მიიღებს და არ აიღებს სიხარბითა და დაჟინებული მოთხოვნით, მისთვის იგი დალოცვილი იქნება. ხოლო ვინც მას სიხარბითა და ანგარებით მიიღებს, მისთვის დალოცვილი არ იქნება, და იგი დაემსგავსება იმ ადამიანს, რომელიც ჭამს, მაგრამ არ ძღება, ზედა (მიმცემი) ხელი აღლაჰის წინაშე უკეთესია ქვედა (მიმღებ) ხელზე, ჰაქიიმმა თქვა: ვუთხარი: ო, აღლაჰის შუამავალო, იმას ვფიცავ, ვინც ჭეშმარიტებით მოგავლინა, რომ ამის შემდეგ აღარავისგან არაფერს მოვითხოვ, სანამ ამ ქვეყნიდან არ წავალ. ამიტომ, აღლაჰის შუამავლის ხალიფა, აბუ ბაქრი (აღლაჰი იყოს მისით კმაყოფილი) ჰაქიმს უხმობდა, რათა მას დახმარება მიეცა, მაგრამ ჰაქიმი უარს ამბობდა მის მიღებაზე, შემდეგ მორწმუნეთა მეთაურმა, უმარ იბნ ალ-ხატტაბმა (აღლაჰი იყოს მისით კმაყოფილი) მოიხმო ის, რათა დახმარება მიეცა, მაგრამ ჰაქიიმმა კვლავ უარი თქვა მის მიღებაზე. მაშინ უმარმა თქვა: ო, მუსლიმანთა საზოგადოება! მე ვთავაზობ მას მის უფლებას, რომელიც აღლაჰმა განუყო ქონებიდან, რომელიც მუსლიმებმა მიიღეს ურწმუნოებისგან, ომისა და ჯიჰადის გარეშე, მაგრამ ის უარს ამბობს მის მიღებაზე, ჰაქიიმმა არავისგან არ აიღო ქონება თხოვნით მას შემდეგ, რაც აღლაჰის მოციქული (აღლაჰის ლოცვა და მშვიდობა მას) გარდაიცვალა, ვიდრე თავადაც არ გარდაიცვალა. აღლაჰი იყოს მისით კმაყოფილი.

النجاة الخيرية
ALNAJAT CHARITY

